

張文定公四友亭集

張文定公四友亭集之十八

七言排律 七首

雙壽賀外舅姑王老先生汪孺人七十

雨香華氣霽佳辰，華髮高堂共七旬。  
閣直慶源鍾內範，河汾遺澤委僊真。  
海樾餐剩呼孫子，村釀開餘集友人。  
五架吟樓長獨笑，百年粧鏡不知顰。  
坐看流水炎塵淨，添買雲山別墅新。  
杭秫繞廬仍大稔，瓜蔬滿眼未全貧。  
崔樞久擅西平寵，袁隗曾分絳帳春。  
夢想江湖情尚梗，悲歡京國事俱陳。  
祥氛戶外通乾鵠，好景階前伴石麟。  
少小東牀今老大，王壺期送酒千巡。

壽吳礪齋先生七十初度

五柳門前百轉鶯一尊堂上慶春晴南山佳氣排軒入  
西澗飛泉透竹鳴文出崔廬皆巨手經傳帝氏總芳名  
晉陵朋舊猶通問汝水絃歌未輟聲龍釣汀沙鷗伴寢  
踏青田壠鶴隨行桂蘭庭院風光暖華萼樓臺露氣清  
三世交游宗雅誼七旬輕健卜長生羣僊際此歡無極  
盡醉萼湖月幾更

賀桂洲老先生新居

相國新居傍紫宸瑞光祥靄相紛綸蓬瀛妙際風雲  
會霽漢晴分籞宿春中使日傳

龍勅下上尊時出大官陳樓臺雪月吟詩劇幾簾熊熊  
入夢頻大庇已看寰宇遍渥恩仍逐歲華新庭前更  
植三槐樹奕葉勲聲嗣鳳麟

賀序菴老先生新居

沙隄遙接午風亭相府新看倚鳳城細帙富過唐李泌  
璽書光倍漢桓榮簾櫳靜透西山月檠戟輝分魏闕暗  
鳳羽碧梧棲欲滿驪珠暇日瀉逾清傳家慮遠還師儉  
報國心醇不計贏萬姓帡幪皆有托登樓欣覩泰階  
平

送李巨川之官廣西僉憲

尊酒非堂目下春片雲南國去誰從正看利刃游餘地  
莫抱枯桐寫懊儂雄辯直應窮鳥跡高情那復計駝峯  
青驄千里風仍采白筆層霄事更封海勢入詩生氣象  
屋痕緣墨走蛇龍年來吳楚行應遍此去英皇弔是重  
蠻粵未須淹憲節嚴廊先已記功宗荒邨目送天池翼  
會見勲名上景鍾

郊齋次華泉先生韻

齋閣東風正啓元遠懷馨德暢升燔九重肇典惟  
求秩羣祀先郊迥遡源恩到不酬專貴質禮嚴無朕  
直斐煩居歆會見靈飈協應禱先看瑞雪翻翠葆興

前分隊隊朱衣階下舞番番竹宮火煖春無極芝殿香  
銷夜不喧樂奏鈞天諧苑鳳尊浮明水漾簷鴛卿僚此  
日承歸俎侍從

先朝憶賜幡歡洽慶雲輝海嶽誠通佳氣藹陵園馬  
遷未幸從封地翹首銀河爛玉垣

送顧僉憲拜表之京

七月涼風吹洞庭離筵終日爲君醒鄉園舊話三湘合  
鄰屋清談兩世聽得句每看籠梵壁解頤咸喜受葩經  
憂深全楚和山瘦秀產文溪覺地靈白下諫章餘白筆  
青岡行色壯青萍玉墀已獻千秋錄金鼎應垂萬古銘

設說路歧銷別思正逢霄漢起秋翎好音贈罷西歸客  
遍采江蘿憶大廷

歌行類 七十一首

詩家清景歌

爲少參襄西江先生賦

詩翁搆樓在人境樓外風煙人不省滿前生態屬誰家  
惟有詩翁能管領東方欲曙黃鳥啼千樹萬樹陰雲低  
含情寫意殊未已池塘春草生萋萋春草萋萋忽盈尺  
日長不見行人跡天風一派吹羅襟偶見片雲頭上黑  
雲收雨散興有餘蛩聲爲我吟并除銀河斜轉翠屏濕  
中天月照青芙渠清入詩脾正無賴早發已露軒轅外

天寒冰凍欲罷吟可柰神工索逋債仙翁得此非偶然  
少小已攻三百篇夢想江鄉謝埃壒手拂丹霞清晝眠  
珠璣磊砢蟠膏臆寫之不費推敲力落紙揮毫不暫停  
眼中猶恨詩狼籍詩家日日集詩客我亦尋詩上瑤席  
幾度詩成神鬼驚江聲亂灑琅玕碧

鷹搏兔圖

鷹飛薄天眼顧地羣鳥望影須早避兔能明眎有心計  
每咲鷹飛空自厲秋高風勁天無色怒而一擊勢叵測  
萬仞捷下不瞬息割如飈驚枯矢激倉皇急投患伏匿  
如錐利爪已在脊須臾毛骨當碎磔狡獪便儼竟何益



玄冬物色圖

長風號怒落萬木化工一夜歸玄朴猶有神機不盡緘  
光輝粲爛溢人目翠竹倚荆榛上有羣家賓水巖對鷗  
鷺文采相鮮新畫工不獨求形肖綴景摹情賢知要艷  
陽風色何必論靜裏文章乃奇妙

石鼓書院歌

手挾青霓摩石鼓清歌激烈湘雲舞終古誰銷達士心  
長江任嚼衡山土衡山之峯七十二紫蓋朱陵正相次  
碧澗如聞翰墨香荒碑細認前朝事昔予曾陟黃岡上  
春雨停車挹瀟爽楊柳疎疎孔子山泉流曲曲顏回港

西行更覓瑯琊臺臺前舊址堪徘徊鳳飛一日杳霄漢  
遺音萬古吹塵埃營道南頭漁谿子翠草留春向千祀  
片月長懸太極岩薰風細濯芙蓉水近涉湘江登嶽麓  
庭院脩脩隱松竹想見當年道誼心力挽洪波起沉陸  
荆邦賢聖相項背到處遺風薰士類宜爾詵詵英俊多  
設教無方我心愧我心旣愧還復悲煙江秋草生萋萋  
人世悠悠邇今古困而不學成灰泥長松隱映如鱗瓦  
便欲投簪老其下憑將蹤跡論古人焉知性帥非今我  
接輿無事流狂歌迴鴈峰孤愁柰何諸生行矣勿復道  
斯文爲我勤漸磨

東湖書院歌

爲吳中丞老先生賦吳公之先出嘉魚縣東湖本謂洞庭後徙梧州

曰目其湖爲小東湖云

東湖水淨無滓在荆在粵皆如此君不見湖上翁東西  
南北無定蹤世途夷險身窮通能令四海和清風東湖  
水清虛復能載雲影天光映若空連量千里平於槩有  
時凍爲氷天地閉塞吾堅凝颼颼急雪不可撼欲與人  
世觀英楞有時沛爲川彌亘大陸泊青天有或求之各  
充量量有大小吾非偏有時丞爲雲蒼梧之野咸氛氲  
大旱丞黔望不輟所過便作銘心愚我翁結屋湖上胡  
不歸坎止流行各有時君不見冲虛恬泊涵瑰奇覃恩

海內非翁誰

釣圖歌

釣名必趨朝釣利必趨市誰知名利有銛鉤陷盡人間  
貪得子漁翁夙昔無機心扁舟獨釣滄江水水波悠悠  
明素心水聲潏潏清塵耳善釣由來忘得魚多少持竿  
自吞餌

鷹逐鷺圖

我觀羣鳥中除却蒼鷹盡凡羽君不見黃金眸白玉距  
凌空一下急於雨鷺絲胡不早竄伏到此驚奔向何許  
憶昔在林臯翻飛矜羽毛羽毛雖好不中用憑君識取

直英豪

塵不到軒歌

出門便覺塵埋頭如何有許清絕同  
丹丘簾櫳花開日秀朗惟有月向中  
庭流君心淡如水有脚不踐名利輶  
青絲垂門俗轍掃日賦百篇酣數甌  
嗟予誤落塵中十五年來不相訪恐溷  
君家庭院之清幽膏中丘壑亦不少  
顛毛未改簪先抽夏槐屯雲湖水綠  
早晚欲榜沙棠舟

漢高與三傑同行圖

潦水不可飲糠粃難療饑黃鵠腹下毛  
豈關霄漢飛孟

嘗一申濫食客焉得橫江巨鬣來盆池籜冠亭長挈三尺僅乃三子相追隨垂天大翼一以就橫絕四海無留疑羸廷老刀筆入關便解收圖袞淮陰寄食兒睥睨勃冠如孤雌圯橋孺子尤絕豪腹弄海嶽輕鴻毛貌如婦子常左避吐氣不見青冥高沛公隆準大襟量收拾諸豪遂東嚮項羽雖然敵萬人剪盡雙翎欲誰仰去廼知龍興雲自從鞭駕風霆雷域中良工貌此豈無謂眼底識取直英雄

寄興

荷盤盞水數尺圍昨日出沼繞如錢漫憶兒嬉未幾日

不信如今非少年  
青山簇簇雨脚斷  
銀鈎纖纖掛青天  
短歌微吟且爲樂  
鍾鼎玉帛真雲煙

携琴幽壑圖

青山有木谷有蘭  
知音自古何其難  
况廼而今盡龔俗  
獨抱枯桐何處彈  
君不見喬陰颯蕭天  
風生萬壑喧啾  
相應鳴廼知天  
籟會有時何必知  
音纔發聲丈夫絃歌  
取適意流水高山  
總知契子期於我  
何有哉破琴但使  
心悲哀子雲玄白  
久亦辨寶常述作  
空灰埃

萬寶常自焚其書

翡翠圖

子臧日夜求珍羽  
輕身謀向黃廬渚  
天孫衣我何太奇

舞落人間不知處水遠山長煙霧銷碧霄回首思輕舉  
飄然謝却五陵兒白王樓高明月曙

覽翠樓

樓前雨過塵如掃翠屏面面澄懷抱老檜長松凍不凋  
下廼安期布瑤草光流銀漢映欲空氣合秋旻青未了  
浮雲萬點去無踪白鷺一行飛更好

子在川上圖

山之下川悠悠天不老川長流川流萬古無人會宣尼  
之心與川契宣尼旣沒川在茲川乎川乎真我師

覃湖歌

爲宗叔祖益  
王長史賦



蛟門海勢噴鄞城支流折向平原行西會槌源忽汪濊  
遂有清淑生華英地域光分織女章日日湖天涵七襄  
海嶽空澄月露滿煙霞散亂蛟龍翔春波噓氣春雲黑  
北去南來皆被澤如今又向吳天飛鳳凰山外盱江碧  
江山此地稱竒雄仰高希勝人人同長沙江都未足數  
河間東平真幸逢礪雷昨夜轟天末宅山水落源頭活  
况復天潢有路通長空會見恩波濶

李廣射石圖

百戰不成功一失名千古平生不得當單于意氣卒然  
施伏廂翻身認石石已穿再發猛力皆徒然已知不若

初心堅有堅心無堅石當年百戰豈不力數竒落日陰  
山黑飛將軍竟垂羽翼

張果老見唐皇圖

錢選所畫

平生好事談張翁今見錢生圖畫中秀眉青眼氣格古  
颯淅毛髮吹冷風鞠衣坐者唐玄宗貝榻森嚴清禁崇  
豈是韓休罷相餘玉貌已覺全盈豐此時萬國遭昇平  
百職搜盡人中英君王極宴饜聲色可憐無計祈長生  
璽書節使通汾晉飛驢一夕來何迅漢武空高十二樓  
周王自斃三千駿骨輿初入侍者驚銀河倒浸孤峯峻  
破夢親聞道氣醒消煩漸覺玄言信天上神人乍可留

宮中夢子歸寧新須吏欲別帝黯然中條一去來何季  
延秋月暗塵土黑紙驢不到馬嵬驛

東瀛倡義

海水可量天可測人心險昧真無極居士題成便折躬  
他人落奔爭投石青蠅一集白璧緇坐令蹶蹻班隨夷  
親知畏嫌且結舌壯士飲氣空攢眉東瀛奮怒一開口  
義膽懸知大於斗長空月照秋水寒萬壑風湍八閩垢  
東瀛東瀛性轟烈海內英豪並交結從古乾坤義聞長  
富貴何人不銷歇

荷峰歌

爲都憲  
陳公賦

荷峯高高千仞强太華王井遙相望瑶臺空澄月露滿  
明鏡晶熒奎壁光美人結屋峯之下或上峯尖揮野馬  
秋臯無人遼霍鳴采采幽芳日盈把鳥鳬飛集明光宮  
長安走避王花驄雲移嶺嶠膏滋洽霜落關河煙霧空  
淮北呻吟變謳舞江南大侵如登豐登天律元柱石壯  
淬水精稜鳴劍雄荷峯兮荷峯千里萬里流香風外直  
中通妙圓淨天然秀出非雕鑿荷峰兮荷峰奇勝自昔  
留僊蹤深根寧極會有待春嘘秋吸天無功迺知人傑  
由地靈地亦因人名勝崇君不見介甫空爭謝公石南  
山捷徑榛蕪中

界山驛遲同盟不至

下青山兮步徐徐山禽百轉春日西凌高聯遠宿有期  
青牛白馬來何遲山磴盤迴不可極直下山根竚孤驛  
落花蒲溪不見人千里百里空山色

鳧溪

鳧磯巷前溪水碧細草春蒲映磯石  
瑤空不盡明月寒翠壁長圍千樹色  
美人拂素溪光裏鳧亦翩翩下溪水  
溪頭日出不見鳧惟有鳥飛千萬里

榮壽南歸歌

爲余碧梧賦  
余御史之父

梧桐岡頭碧千尺上棲青雲下白石  
茂葉春敷萬壑陰

清旭朝涵九苞色百卉羣中秀莫京豈必入鬢方騰聲  
地近層霄雨澤潤風生海宇簫韶鳴梧雲縹緲來京闕  
鳳羽翩跹戀丹穴已解儲材陟

廟堂且復隨時媚煙月悠然軒子真悠哉青溪曲曲無  
纖埃柳水鵝山歸去來都人日夜歌臺萊

穆溪爲嘉禾  
陶生賦

神龍脫骨天際飛一夕歸來水滿溪浮雲幽幽海鶴唳  
落花點點漁舟迷青篁白石塵如洗灤露秋空黛痕泚  
玉桂霏香明月寒何當拂素溪光裏

九日登觀音巖

次浚川  
同馬韻

風流自昔稱山簡。麀麀清談有王衍。我來齷齪羣蠢魚。  
爛版殘編坐衰晚。觀音巖頭雲霞簇。赭羅之峰輝若木。  
三年精膽磨俗塵。一日江山溫清福。君不見女媧戲土  
紛刀騷幾人。曠達稱賢豪。又不見璧月空懸晉陵樹。瓊  
花已變陳庭蒿。雲霄萬古真羽毛。泰華培塿誰早高。王  
署金閨徒夢寐。燕京吳苑相迢遙。試謁關侯祠。重臨燕  
子磯。風檣逐高鳥。煙水流斜暉。先生手執天下樞。百粵  
三巴靜不迷。日賦百篇飲五斗。奎壁晶晶照鍾阜。竹院  
松坡醉莫辭。高歌好向同心友。

送應叔寶推官之瑞州

君不見海門潮勢排羣山似君松窓筆底之波瀾期爾  
青霄二十載鵬鵬振翼何其難西風蕭蕭海水寒銀缸  
話舊清江干癯骨依然青髮改池蛟豈合終盤桓米山  
青青濯湖碧幸翁潭上千秋澤行尋西澗書五車坐鎮  
南州灋三尺丈夫事業會有逢劍光耿耿雙飛龍白玉  
樓高明月曙爲君立望道遙峯

李白杜甫圖

英豪生世苦不並白也天才本無競萬顆山頭遇甫時  
千古乾坤一輝映采石江邊斗大樓沅花溪上茅堂幽  
我昔臨風灑雙淚屋梁落月冤悠悠歸來手檢遺文讀



五月金飈洗煩燠歎惜人間復幾何六丁盡取歸僊籙  
忽謾風標尺素中異代相看如稔熟爲想當年一咲間  
玉宇瓊樓萬驪目知音無人天次寥長松落影青山麓  
草閣停盃欲問之文章此日還誰屬

朝陽鳴鳳圖

爲裴九  
式賦

扶桑騰暉萬國曉卿雲粲粲塵如掃滄波不揚百物熙  
滿空清淑催靈鳥昔予獻策

先皇時祕閣石渠登進之日月先華旦復旦逮憶周召  
鳴西岐君家子弟多英秀九苞翺颺豈凡鷁即今  
天池雨露深刷羽騰翔莫淹逗何當杖策朝

明君手折若木揮蘿雲戴盆咸得見天日引吭層霄四海聞

### 蟠龍山

登蟠龍兮高絕塵十轉百轉回回新小橋巖整迸流水  
中有石室居仙人斜陽在樹白鶴鳴長峰短峯殊晦明  
湏臾洞口陰風起吹入瑤空飛練聲

小寒食綿州同兵備憲副曾鳳陂登春酣亭

州城

東有芙蓉溪唐刺史王庚詩千山萬壑霜正嚴芙蓉溪上春酣酣亭名因此後亭廢鳳陂

重建

春風吹上春酣亭江山圖畫開新晴尊前柳花如雪舞

樹杪淑氣催鶯聲憶昨亭空人嘆息獨盡芙蓉秋水碧  
使君一日下綿州遂有樓臺高百尺我亦明山舊隱淪  
歇馬溪頭問春色一盃破盡寒食寒似醉繁花露濃夕  
曾公會公本英志見汝先朝幾封事近日談玄復有  
神聽之動我凌雲思浚江淨洗白鷗心柱史隱動青牛  
氣何必區區懷故山此中亦有潛平肆

送雙栢童公遷河南左方伯

雙栢童公以湖南右方伯榮遷洛陽

谷隱集諸大夫追餞漢詩是日也隣境切雲  
霓之望甘棠遺蔽芾之陰蕙風暢而天宇明  
輝生草木闐鼓鳴而江光動喜溢山川歌以  
永言言以宣志韻唯三九準落水之龜文體  
效栢梁近召  
南之遺響

岷山之勢何嶽崎江漢萬里山出之含英結秀發有時  
竭來生公公實竒雙目炯炯身頎頎天資絕出百務宜  
大輒小節紛如絲銛鋒落窳渾無疑

先帝致理求直詞公身十年棲鳳池一日封章登玉墀  
天顏有喜公先知顛風濁浪揚鯨鯢白日闕景民咸咨  
秦關左右浙東西公親以手摩瘡痍洛陽千里兒告饑  
公往雨粟當如坻湖南留公未及暮公車已駕不可追  
登高把酒涕欲垂豈爲惜別傷臨岐率場啄粟驚竊脂  
何以慰我蒼生思如公備略世所推起拔登用人人期  
撫循天下非公誰

靈谷

爲光祿署丞朱君賦

君不見雁宕盤紆東海壖西有靈谷吐納千峯萬壑之  
雲烟平疇黍稷鬱蒼王曲澗松篁鳴綺絃谷中主人雅  
高尚築室讀書多歲年客來煮茗坐深夜共誚清風明  
月由來偏我今白髮厭塵鞅幾迴夢落仙巖泉終當買  
舟携酒問幽勝日夕與子相盤旋

題畫

四首

汀草初落江花淨白日西風濯明鏡翠房佳實秋可憐  
兩兩文禽適情性嗟飛燕空澁澁啄矢深宮何足羨  
靈龜出萍輒割腹清廟青黃却災木微生眇眇天悠悠

眼底安危憑相攸君不見明月高寒白玉樓羽衣不動  
香塵流

鳩性愛雨花愛晴同倚東風不同情春光二月濃於酒  
雙鳩醉寐不復鳴雙鳩不鳴花相語無令鳩醒教天雨  
層霄自昔靈橋斷周王此日歌雲漢雲漢遙遙不可聞  
天風日夜催龍孫龍孫起憑送喜四海蒼生膏澤裏

高東厓祀德同聲錄

三峯少司徒尊人也  
時三峯致仕將去

鄙夫營旦夕達人志千秋聽我同聲歌歌高勝鳴球官  
階列鼎鼎資貨崇山丘青史一以點子孫稱亦羞先生  
曠襟度羽毛視王侯卑官復早謝厚積終遐流賢嗣霈

遺澤寰區布聲猷朝封并社祀榮名豈云求始知黃鵠  
意不與鸞鳩謀江漢自有本涔蹄何可侔

送陸承貴之融縣

湖西美人英王姿雲錦新裁光陸離萱背先傳捧檄喜  
吾天不負懸弧期越歌一曲湘浮灘巖竹蕭蕭溪月西  
丈夫何須較官職一念蒼生天亦怡君不見憲使名聲  
至今在趾美傳芳更誰待

送明山馬助教之任桂林別駕

我昔觀風向南楚澧蘭沅芷何斑斑日出蒼蒼庭草碧  
馬子自領春風還雷峯玉巖秉貞性壁立萬仞誰能攀

時俗夸毗日屏跡子獨振羽翔其間竭來成均奏大雅  
遂有芳譽流人寰瘦骨方矐暫南粵終看大業藏明山

海日三公百喜圖

壽松臯太宰  
七旬初度

嶠夷清旭臨扶桑碧落萬里春洋洋海若虛涇百谷順  
蟠苑秀結三山蒼華堂此日稱瑤觴羨爾安期皆在傍  
蛟鱗潛蹤鸞鶴翔公侯燕喜殊未央辰逢嶽降雨初霽  
年屆都稀身轉強水鑑空澄彌平格况是滄波長不揚

送呂畫士歸四明

樂愚孫子雙眼青下筆萬頃雲霞生竭來京華未幾日  
十家九家花鳥明薰風別我欲歸去我亦馳情入烟霧



百幅生綃一壺酒期爾琅玕最深處

送張本明蓮幕之當塗

天目高高連四明一枝秀落它山青石梁分界半江水  
小溪斜帶松堂鳴中有茂姓承平門巷徃徃來簪纓  
主人愛客花下迎長髯瘦骨紆風情平生讀書不稱意  
筮仕

清朝聊代畊近日身言中高選拜官于湖隣玉京琴鶴  
花封白日靜芙蓉綉帶春風輕所嗟姑孰日凋敝黃池  
白紵空縱橫君不見古來濟物有陪位汗竹千秋長著  
聲

荆江水

送龍洲李侍御巡按江西

荆江水何瀟瀟西落岷岷萬疊泉東馳瀚海三千里龍  
洲夙孕江山靈見君文章亦如此皇華一動四傳聲諫  
草夕夢朝取旨三載椿庭樂未央天風日促鯢鵬起一  
度瞻雲一泫然性天純孝真無比豸繡方榮浙士懷鷺  
車又見吾邦喜殷花弱柳遶青驄畫錦春風照桑梓上  
堂嘉慶歡倍新萍楚馳瞻纔尺咫荆江水深無底行看  
澍雨遍蒼生要使人間見源委

喬松雀鹿圖

爲閩南湖凡賦

高堂白日烟霧生似有萬壑風濤聲毛髮颯爽心魂醒

一片徂徠當面橫平柯群雀棲不驚蒼陰覆鹿眠青萍  
何人夙志懷景行造事役意輸丹青南湖司馬入中英  
峻格虬髯專秀靈朝中節槩何稜稜南來氣岼肩鍾陵  
直與巖岫相崢嶸笑言便覺風冷冷少小京闈歌鹿鳴  
四十三載持忠清已見爵祿班公卿宵中數萬盤甲兵  
志剪繁蕪翊昇平我今願祝松喬齡致身第一雲霄層  
墅鹿標枝看化成

秋林書屋圖

秋光澹兮秋氣新木葉下兮風鏢人忽烟霄兮鳴鴈肅  
冉冉之敲塵寂寂兮山中誰人兮我親聊卷書兮自適

育中浩兮秋旻

別余子貞

送子兮東歸寒風兮吹衣衣有帶兮帶則垂子好我兮  
令我思我思兮綿綿覽若今兮心未能亦有奇寶兮奇  
且玄送子東歸兮將疇與言

送朱守中節推

送君邁兮黃州忽如見兮竹樓巫山雲兮朝遊暮爲雨  
兮相流荆楚之迹百感繆今日之憂兮飛先憂蘭生兮  
白石采之兮誰贈叶願言從子兮不可得佇春風兮太  
息

遠山青

近山綠遠山青上有嚶嚶之鳥聲下有蒨粲草木之群  
英君不見青山無秋百物遂厚祿何人長自營

月初升

月初升花欲謝宇內群生真暫借乾坤悟徹復何爲掃  
石焚香坐清夜

裏赤榮光圖

爲光澤  
王賦

梅花本是冰玉姿亦有丹衷印虛碧況是層霄雨露濃  
年年歲歲滋培植南枝已得春氣深水角牆頭倍生色  
倍生色眼中百卉誰能敵君不見東平帶印十五枚自

古榮光被裏赤

隴上吟

陟隴阪兮危且長迎凱風兮振衣裳浮雲淡兮雨氣涼  
小麥青兮大麥黃隴有麥兮麥有芒君不憊兮奚所望

李翁壽圖

蓬山秀出夫容青白鶴下見滄洲清蘭揚桂吐何晶晶  
香風日夜吹紫冥翁居其間陶性靈洪崖羨門皆友生  
時來爲翁制頽齡莫厭來多酒如澗

送都玄敬太僕致仕

素月兮清溪夕夢兮歸棲忽解組兮南還紛來迎兮青

山絮白雲兮爲衣種瑤草兮防饑瑤草兮翕葩琅玕兮  
停碧欲語兮誰可知君兮思我

君莫傳海上蓬萊之仙島其事有無何足道路隔東溟  
萬里之騰波世人可聞不可到君不見三江五湖有真  
景乃在維揚之南大江之表瞻望分明只尺間誰人不  
言此中好徃徃高棲亦有心一誤迷途跡如掃但見迎  
濤鼓浪有遊鱗駕鵞鳬鴈唼唼乎芹藻渚烟溪月空自  
妍水竹岩花爲誰耆都太僕好眼目廿年居官無贍祿  
欸客時時典巾服眼中聲華百不欲但願得了滄洲期  
便足幾年踪跡懷滄洲偶落風塵便白頭清泉白石宛

如見錦衣調鞍那可留今歸去入烟霧渡頭莫種桃花  
樹只恐明年春水發即欲相尋不知處

送林郡侯 二首

鄞之民兮土俱瘠况值羸厄兮千里赤白日耀兮恣風  
伯黃塵漠漠兮生中澤我欲掬之兮慙東暫幸遇中天  
兮片雲黑雲來何遲去何速欲挽留之雲不我復雲之  
留兮飢雨我以粟雲之去兮曷其從欲吁嗟乎命之不  
淑兮

秋夜悠悠殊未已月光流入床帷裏狂飈驚亂絡緯聲  
起拂豪曹步階祀衆星歷歷如何攀欲扣天闥愁萬里



見說支磯有路通便欲倒瀉銀河水丈夫意氣貴相期  
英豪海內今能幾仲蔚門前草已深君歸岩穴何時起  
右詩三首爲郡侯林公守仁以外艱去郡作也鄧之民  
惜公去也時久旱公禱雨雨未幾又旱是公將不久而  
去之徵乎故詩意以況焉秋夜望  
公起也惜以一郡而望以天下云

送倪上舍

垂楊枝兮綠髮齊上有鳥兮鳴啾啾送君行兮執君衣  
何處山兮繞清溪江南地兮多炎暑去復來兮黃梅雨  
願展翮兮凌高秋來相逢兮白玉署

松鶴圖

壽宗丈

昔年移得徂徠盈尺之青松今有鱗甲成虬龍棲遲自

分老其下攬鏡轉覺顏猶童良工繪取尺素中衣袂習  
習生清風披將堂上集佳客蓬壺瑞氣浮芴芴湏臾忽  
見赤松子羽衣群仙同至止我亦歸來天上白玉堂賦  
得新詩動人耳作詩貴意不貴詞請君停觴一聽之憶  
予先世邁種德子孫多年承穀遺卽今槎湖一片月中  
夜皎皎臨清漪紛華綺麗不足貴惟有古昔家風湏自  
持君不見石上松根柯壯林壑下有百年苓上有千歲  
鶴貞心勁節常獨持縱有冰霜肯搖落

白溪道中

碧山千仞圍清溪森沉迥與人間別翠栢蒼松掩映間

梅花一樹開如雪四顧不聞鷄犬聲若比堯源更清絕  
我心豈與劉阮同明日風塵還蹴躡風塵蹴躡未足辭  
人生貴使胃懷澈靈臺一片未昏神光勿使頻明滅  
邵陽昨日祠瀛溪庭草津津動瑤茁即今回首翠烟中  
玉聲子夜天風徹邵陽有寶聲聲聞數十里先生祠堂應未遙且向  
春溪弄春月

羅氏菊泉卷

次西涯先生韻

停車幾訪羅含家清泉澈底明秋花徘徊便欲蛻凡骨  
服食更許延韶華花開異質輝金玉泉泛幽香入江綠  
芳澤如今布九垓松喬何處私圖錄漉酒東籬本逸民

餐英楚畹惟騷人秀毓乾坤自專美清分蘭桂俱超塵  
人家世澤非錢買人世芳名長不改已看附翼騰青霄  
更有培風起溟海今我幸獲交賢郎遺芬滿取誰能忘  
黃鵠山頭試瞻眺奎光耿耿聯文昌

送林翠庭寅長遷貴陽參政

識君苦不早忽別傷懷抱携酒臨洞庭春水漫浩浩君  
昔朝端簪白筆上天人爭傳諫草湖湘三載肅風霜貴  
陽暫假綬夷獠曲嶺盤溪何鬱紆我思綿綿與俱繞天  
台老友蔡霞山胸懷月映冰壺皎我昔湘陰邂逅間春  
風洗盡心煩悄君不見薇垣三月花正開頰霞片片輝

晴昊遙想相逢一笑餘賞心樂事知多少

送陸惟東東歸

月湖之水通蓬瀛湖上濟濟生才英陸生年少尤老成  
風姿月映珊瑚明壁水敲鍾雙鶴鳴鷄山旭日槐堂清  
橋門三載劬執經麗澤慙示無中能秋杪賓鴻遂去旌  
三江水濶吳船輕到家叢桂香滿庭椿萱未老華萼榮  
方今海內傳家聲宣公蒲齋何繩繩幾度雲霄快舉贈  
好向溟渤追鷗鯨

送唐正郎錄囚湖南

霜曹有客行清秋風姿碧海珊瑚鉤吟詩欲吞雲夢澤

携酒還登黃鶴樓  
秋風簫簫秋月白  
洞庭衡山皆遍歷  
芳洲日落湘水寒  
翠竹烟銷九疑碧  
觀風直到沅江濱  
盤礴曲磴回回新  
三苗蚩蚩侮千羽  
百姓徃徃愁艱辛  
先生昔日居青瑣  
諫草夕成朝奏可  
耿耿丹心定不磨  
今日封章當奈何

內殿傳臚圖歌

爲王憲長題

先皇御極統三春  
泰壇生燭輝蒼旻  
時聞側席想豪俊  
誰不彈冠瞻

聖人雲漢斜流  
禁城曉萬國英賢  
際時早仗翼  
翬翬瑞氣浮衣冠  
濟濟

恩光繞先生世運之所關少小已自超群班二十年來  
熟麟史三千策獻怡

龍顏垂紳端笏黃金殿冰姿玉骨人爭羨應知報

聖有丹心誰謂書生唯白面爾來宦途三十載烈烈芳  
名動寰海功勲繼此宜莫量容髮比前還不改披圖謾  
讀王褒頌天生才傑爲特用追思意氣感風雲永慶邦  
家得麟鳳

羅緝熙都憲願樂亭卷

碧峯浸兮清湘列翠柳兮疎篁疎篁茂兮風節長公歸  
來兮樂未央昔經遊兮民物康身則退兮心可忘洗金

疊兮酌美酒笑即柳坪兮隨風月以徜徉

程氏世義卷

黃家湖中春水綠春輝日映程家屋程家便得春意深  
二百餘年邇相續君不見昔日陳思煮豉歌富貴可憐  
猶骨肉君家孝義良足珍留取新詩激頑俗

大司成魯蓮北瑞菊卷

先生樂育天下才成均隙地秋花開化工妙運何奇哉  
秋深不放冰霜來双花燁燁生聯蒂憑君莫謾窺芳意  
好似先生兩鳳雛玉質文心巧相類一朝天上頒綸音  
將雛直入天門深果然佳瑞不虛作又見明良孚赤心



張文忠公四先生集卷之十八

張文定公四友亭集卷之十九

歌行類 三十二首

與朱守忠同遊赤壁

故人於我有舊約乃在荆南山水間漢江今日喜相見  
共酌清尊江上山江流滔滔何時返千古英雄迺銷滅  
忽聞江上轟怒霆猶落當年老瞞膽坡翁向此悲浮生  
強以詞賦留其名清風明月避吟弄須屬瀟湘青草庭  
登赤壁瞻黃陂翠竹依依雙鳳祠君不見鳳凰飛去脩  
竹冷風月如今當屬誰

遊武當山

均州東馳四十里，指點天際青。夫容白雲隱，見日欲晚  
森沉崖樹環，真宮真宮夜半忽。鳴雨思扣天，関祈玉女  
勝地三巡繞。一遊躋攀更喜山，靈許茲山奇秀高。挿天  
形勢乃與嵩嶽聯，曜靈北極鎮玄武。往往徵應人間傳，  
攬衣晨起天如洗。碧樹瓊花紛旖旎，同遊群公皆色喜。  
萬仞丹梯輕尺只，上山莫遲下莫疾。一年幾度如今日，  
風日清和霧靄澄。左顧右盼皆仙室，茅竹捫蘿尋紫霄。  
碧橋迢迢橫石橋，博山道院香飄飄。道士接引吹笙簫，  
山紆水曲行復行。第一天門開，玉聲高真祠下。擲梅熟，  
太子坡前針濶鳴石磴。層層懸絕巘，却立望之心瞑眩。

始捫金鎖猿鶴驚未盡烟梯賁青喘太和之宮何眇綿  
天風衣袂吹翩翩千峯萬峰盡培塿南海北海惟雲烟  
歷遍三天瞻五龍群仙恍惚來趨風咲而不語情自通  
颯淅寒氣吹孤峯更下南巖詫竒跡兩崖倚空峭如壁  
俯窺幽谷深無極赤松王喬皆辟易回瞻絕頂凌杳渺  
金殿晴暉騰木杪龍頭孤矚勢若崩帝敏懸岩跡如倒  
東天皎皎明蟾蜍飄搖乘風來王虛崇臺廣謝臨長衢  
盧敖下界慚不如香榻高眠夢初醒起汲沆瀣烹仙茗  
秦人空秘武陵原長房却陋壺中景共上瑤壇開檢玉  
七十二君無此籙崇恩大典振古稀合有休祥符歲祝

芒鞋籜冠日暮歸風伯洒洒迎前旗回首雲霄復有期  
矢心弗受緇塵欺

月夜泛舟潛江

日暮江不波澄空漾明輝囊中瑩無瑕扁舟行若飛涼  
颼時一來飄搖吹我衣魚鳥各以息俛仰星宿稀霽月  
凌浩渺光風挹崔嵬勝遊每不少宦情何所違江水五  
月多月輪今夕滿況值積雨收長空淨於浣樓舫泛空  
明瞬息行已遠恍如挾飛仙空中恣遊行紛遊事已空  
沂詠音誰續悵言遡千秋風月幾人管

折桂圖

爲裴景文賦

青雲衢邊明月桂萬里何由來掉臂文章爲羽翰坐看  
白日升青天天香吹衣秋萬斛片玉崑山映驪目予時  
揮毫雲漢旁舉頭見君諧所望欣然贈子錦綉段織女  
爲之停七襄君不見東方詭訣偷仙實司馬妖辭賦長  
楊當時偶中漢帝喜豈有能經說盡鞭笞卷附鳴鳳朝  
周王

扇圖

夫容列秀清遙遙野人生計在漁樵竹籬茅舍拚終日  
門前碧樹風蕭蕭誰遣朝廷識名姓官舟督促乘秋潮  
秋潮一刺瀉千里會見仙槎騰九霄

讀張養正傳

張翁視疾知淺深施方妙會岐黃心斷死期生百不爽  
藉藉吳人談至今世醫往往急功利外邪未去真元侵  
醫中王道貴調護眼前誰復張人叅守溪先生重許可  
手書一字千黃金授翁賢嗣此大訓終古人間傳今音

雲松十鹿圖

爲同年朱南岡賦

深松六月不受暑况是鍾山大江渚泄雲丘壑升祁祁  
野萍蕭蕭鹿嘯嘯南岡先生住闌闌薜芷巖花別成墅  
奕世京闈歌鹿鳴霄漢人瞻九苞羽歸來一嘯山幽幽  
簪冠麕裘麋鹿侶歛厥遺餘委後人食祿君家世如雨

羨君下筆搖海虹，小文章遽如許。已有祥雲足下生，  
秋來會見凌風舉。

奕葉清風

西江先生冰玉肌，吹簫向月歸。何遲清風渺渺不可追，  
惟有江聲月色日夜灑，遍琅玕枝。

出濟寧

濟州城南河水黑，焚骸棄米蕪河積。船檣煨燼如雲烟，  
十里百里無終極。我來見此心內盡欲訴，

宸衷天路隔填膺。憤氣向誰言，仰眎蒼天空歎息。江南  
農夫何苦辛，閔閔經年望收穫。二月鋤犁五月耘，汗雨



如麻和淚滴痛惜朱光掩霾曠剩以瓊棖銖姦賊廟堂  
那復昧冰鑑更使生靈此狼籍

中流漫興

飛雲遶長江江水何洋洋碧山中流屹不動  
空奔忙行雲非有聲流水非有情丈夫那可爲身計  
惴惴百年何所營

見弟

未歸聞汝生旣歸見汝竹聞汝上時喜已多見汝能行  
亦樂何

輓項大參

楚山之西吳江東五馬爭看一馬驄  
美鬚長大抱奇節家聲烈烈尚書翁  
霜林一夜土膏發瘴海當年烟霧空  
豺虎磨牙不敢犯雲霄稅駕誰爭雄  
燕知春兮返雕梁鶴求主兮鳴長松  
秋臯無人白日晚橫塘灑灑來清風

石峯

崑崙山頭石一枚天風吹落秀水湄  
紛紛俗眼不敢窺維有仙翁能得之  
置之中庭勢絕奇朝霞暮雨生華滋  
夜靜西山月半規正是峯前鶴唳時

遊蓉溪書院

龍池山頭春日明綿州城外春溪聲  
海內方思傳霖劇

樽前愛見溪雲生，虛堂數尺清無比。近接楊雲墨池水，月白天高明拒霜。何當拂素溪光裏。

感事

五月一日

春華易凋，須早識。莫待歲晏求松柏。野雉猶懷耿介心，大夫誰能戴巾幘。藿常空謝卿相，緼袍無表辭狐白。精華烈烈垂千秋，上與日月爭輝色。漢朝衣冠亦何爲，坐鎮淮南唯汲直。人生莫作繞指柔，一遇西風卷如席。君不見陳國修門千百徒，豈若怒蛙猶可軾。

閱耕圖

爲西江先生賦

春雨肥東菑，春風吹短褐。一犁但使衣食充，百畝長隨。

子孫活君不見扣角歌聲暫歇他日逢時作伊葛

課讀圖

白日扃重門書聲徹林木先生謝政早歸田手把經書  
課兒讀君不見陳太丘但貽穀世世朱輪與華轂

漁父圖

澹煙籠樹波粼粼碧山遙遙無垢氛扁舟一葉坐忘世  
豈是尋常漁獵人君不見澆風日夜凋麗古時俗迫阨  
誰能嗔頃刻夸毗生萬狀秋毫得失逾千鈞又不見靈  
均遭世苦沈濁遠遊輕舉嗟無因郭生意氣亦慷慨亦  
欲高飛辭世人我懷澹蕩異於是人世與我無亨屯丈

夫何地不自適古來安土斯敦仁磻溪桐江各有願玄  
都丹丘非我隣眼前睥睨應未可且弄煙水滄江濱滄  
江之水淨如練鑑之可以澄心神陵陽白魚人所羨飄  
搖亦止娛其身誰昔槎源逢避秦別後徒勞重問津山  
中雞犬亦人境人生貴使心無塵

予嘗怪晉陶淵明高識士也猶漫記武陵事若不滿  
於漁父之出山者夫神仙之事有無不足論顧人生  
處世所以迫阨不自樂者坐爲客塵累耳不然道得  
於心焉往不自適而假求仙爲故予因漁父圖識以  
是言智者覽之庶以破千古之惑

送俞懋敬先生之官南京

甬水西馳二十里遂有奇氣生人英桑榆陰中識名姓  
兼葭倚後論風情昔予束髮偶偕計感君提携重君誼  
本期籬鷄披蒼鷹翻使庸鶩遲神驥去年南來正春夕  
彭城南頭竚消息忽持薦剡喜則劇果有文章傳四國  
顏垣一堵臨高坡每見君來嘯且歌火雲五月流炎暑  
送君別矢心如何鳳凰臺高江水淨此中久動詩人興  
爲我預造五石酒來共豪吟適情性

鄭節婦高氏

孤鴻暮落寒江渚發婦閨中泣如雨西風月白河漢清

獨掩羅幃避牛女誰言弱草棲輕塵撐拄乾坤惟此身  
傲雪夢霜見貞性翻雲覆雨嗟何人

雪夜渡彭蠡

渡彭蠡兮風蕭蕭大孤小孤寒雪飄水晶琢就萬峰骨  
梅玉點破千林稍漁舟遠宿火明滅野鶴不鳴天寂寥  
瑤京十二樓中月應照仙人吹碧簫

雲安僊客行

贈王五峯都憲  
和王浚川韻

放舟下魚復勢與蛟龍爭緯繡雲搖三峽影微茫月照  
萬川城可憐萬里飄蓬客蒼苔露冷東山石見說仙翁  
有結廬暫向雲陽停掛席是時遙關豺虎驚朔風正攪

黃沙磧翁昔威靈遼海間

今皇拊髀興歎息問翁翁不言舉觴視遙天願續扶嘉  
隱高歌郭子篇青燈白髮照奇骨永夜玄談真夙緣五  
峯拔秀出浮瑤百壺雅致忘高季君不見蓋世英雄固  
陵道只今但見虞姬草又不見揮金買賦悲長門時違  
屏棄如孤豚風塵廿載無寧處黃鵠乾坤成再舉一醉  
翁家麴米春江臯細灑如酥雨

檜峯行

君不見武檐之山繞及肩五丁勇力直徒然何如檜峯  
不假一坏土欲共峨眉齊插天風標挺挺軼埃壘翠碧



重重添歲年孤根闔引錦江脉獨鶴遠唳巴山煙有時  
春雨過驪龍睡起珍珠墮尊前紫燕舞雙雙葉底黃鸝  
鳴箇箇有時薰風涼蒼陰落地千仞長五木聲寒結綺  
窓博山煙覆綠荷裳有時懸明月瑤空無雲氣清冽金  
莖高矗承露盤沆瀣時飡英玉屑有時天沈寥萬落千  
村顏色凋傲雪凌霜有貞幹錦屏玉壘空蕭蕭檜峯主  
翁清莫比自昔移根庭院裏幾欲與翁暫醉峰之前一  
掃鄉山愁萬里歲月駸駸佳興孤風塵擾擾徒爲爾相  
如未遇宮草寒小試楊雲墨池水

風木行

爲孫德夫  
憲副

嘉樹臨溪頭落葉隨溪流溪流滔滔不復返長風攪樹  
何時休溪頭忽憶董黯汲樹邊空灑臯魚泣五鼎三牲  
可柰何寥天更值風來急歲寒松柏長青青轉因風急  
表堅貞棟梁他日隆山斗能使而親長不朽

送張郡侯之山東

梅雲五月蒸炎暑津吏停橈舜江渚見說君侯欲遠行  
感我長歌涕如雨君侯本是清禁英籍甚名聲滿寰宇  
暫分符竹下荒陬多少枯羸沾哺乳赫赫威名聽已驚  
洒洒風情近偏煦邀我黃堂之東署罌作投壺咲清寢  
始信雄豪自有真眼中俗吏何須數君今遠行向何許

盜賊頻年蒲東魯調發行聞邊徼空蒼黃尚說潢池聚  
我昔拜

命經山東山東百姓無寧處欲緣南畝已無計何怪偷  
生日旁午君侯威德真翰蕃甘霖之下無乾土鳬繹風  
高天氣晶縈弓坐見清飈颺鼠嗟我抱病眠江臯孤忠空  
復懷

當宁激烈誰禁杞國憂中夜但拂豪曹舞

顯扇面圖贈且翁叔

金莪雪竇高入雲西有萬頃田昀昀下頭庄邊香稻熟  
風景依稀如鹿門小舟棹入焚修橋釣絲搖曳風蕭蕭

槎湖新水綠於酒擬築糟丘千仞高

呂梁洪

年十八會試時作

呂梁洪誰鑿開神禹當年殫精力支分瀕洞通長淮爾  
來三千六百載帆檣日夜如雲來怒濤飛湍何喧豗齊  
擊萬鼓轟霆雷篙師眊眊恒德色瞬息度越無驚色憶  
昔胼胝心獨苦弗子呱呱子千古天網地維真永賴豈  
比區區鍊石補君不見胡元腥羶穢宸極萬國衣冠盡  
淪溺

高皇匹馬劍三尺乾坤萬古重開闢神哉視禹功尤特

即吟

皇路當清夷臨流重感懷襄時

老君溪

臘月二十日  
雅州雨中作

老君溪思老君青牛何日返函關惟片雲鴻飛遙遙失  
其侶鷲呼悞下寒江渚凌風振翼思再舉雲山萬疊家  
何許黎州風雅州雨黎州多風雅州多雨蜀中有  
黎州風雅州雨之謠

遷鶯圖

爲王天祥之官  
新喻司訓賦

老松巖壑真喬哉金衣公子何從來羽毛幽谷一以就  
千林淑氣皆相催王君積學四十載雲霄欲奮仍低徊  
授簡形埤倚綸閣五色文章看細裁清江自古稱多  
才高坐鱸堂煙霧開吟峯之巔且吟嘯更竚喬遷慰我

懷

題南渠畫圖

南渠先生雙眼青，未老拂衣歸赤城。  
精廬巖谷軼浮壚，擬結詩社誰爲盟。  
朝來放鶴狎紫冥，邀取海上安期生。  
相逢一笑開楸枰，碧山幽幽溪聲清。  
山翁無事援樵斧，觀棋未竟柯先腐。  
今古推移了不知，誰問劬女媧土。  
南渠先生好腦臆，况復林巒遍仙蹟。  
漫欲相從會有時，爲我豫拂松間石。

猛虎行

雪山號虎當晝啼，陰風攪樹搖山溪。  
山樵水汲豈無事，

閉戶不敢窺東西共戒將身冒白齒無能插翅攀青霓  
山當幽處有禪寺伏馬無僧但深避決藩踰隱候而至  
村墟叫鬧天崩墜邂逅村翁對我言慷慨忽下傷時淚  
馮婦氣豪恐受嗤屠龍技就難遭睡憶昨衡山恣巡歷  
山於境內多珍蓄人家六畜且不擾民生毒害何由得  
神靈大率皆慈悲此山縱虐吁何爲新婦岩頭古有祠  
載路冤聲寧弗知矧今郡侯絕苛政執咎不在山靈誰  
冥呼陽殄古有術安得服不清九陲

題菜

我本農家子生長在村鄉平生不願膏與粱但願菜葉

長菜葉長菜根曹氏無菜色我心喜

張文定公四友齋集卷之十九



張文定公四友亭集卷之二十

詩餘 三十七閨

水調歌頭

次崖菊軒

玄機通月窟，碧眼透天關。一自離塵登岵，無地不平安。  
采芝南山露冷，視草王堂星曙。隨去復隨還。試看方寸裏，  
惺處是靈丹。戚戚時紛紛，地枉摧殘雅致。自忘動定，何用乞身閒。  
試問年方五十，況是才高千古。四海共暄寒。慧巖聊暫憩，人正想東山。

疊水調歌頭答桂洲大宗伯

竹葉映蒼髮，榴花照松關。傳道胡兒遠去，邊塞喜清安。

只爲乾坤浩蕩賒却鴻鈞賤予這債幾時還憑他醫國  
手施我活人丹細商量謾調劑問傷殘已道  
君恩似海敢放此生閒王堤楊柳疑碧深院虬藤走翠  
雨過麥秋寒坐看功業起平地太行山

再疊水調歌頭答桂洲

扁舟發東甬涉歷幾江關朝夕風餐水宿辛苦上長安  
從別玉堂金馬遍閱南荆西蜀廿載此方還自憐雙鬢  
白剛恃寸心丹看沿途官賦急細民殘念切同胞無  
告何處說偷閒事見  
聖明弘德復有高賢贊治煖氣奪陰寒便須調鼎傳莫

更說鄉山

三疊水調歌頭答桂洲少保

雨收塵不起官舍午仍闌一架紫藤烟裏短榻坐來安  
進罷

九重封事讀盡牀頭書卷雲帶晚涼還微塵看六合誰  
問葛洪丹院沉沉黃鳥嚙水花殘謾自焚香啜茗性  
拙使心閒起視掖垣梧影忽聽玉溝流水星月四邊寒  
羈懷如浪跡京苑得蓬山

納涼四疊水調歌頭

暑消金鳳闌塵淨玉門闌人在碧樓清夜風月滿長安

漸見林樵棲定何處洞簫吹斷扶醉馬蹄還玉壺流曉  
珀山果正垂丹 畫堂前螢火度麝香殘不問有無公  
牘心事片鷗閒細詠冰驪水調坐到銀河斜轉光逼斗  
牛寒黎牀眠未得興落九華山

五疊水調歌頭答桂洲少保話舊

文瀾翻碧海妙思徹玄關天上玉堂冰署隨在覺輕安  
憶昨洞庭衡嶽枉了雲軒鶴駕萬里去仍還獨留詩句  
好點鐵見袖丹 附仙舟淮月滿水花殘忽謾潞河分  
袂回首綠雲間喜接

殿廷賡詠光觀

郊壇物采奎壁映秋寒  
草麻知旦夕

帝德重丘山

六疊韻再答話舊之作

青牛饒紫氣令尹愧函關  
雖有五千文字誰爲酌量安  
空使白雲黃鶴寂寞洞庭湘水沿月嘯歌還一聲江上  
笛吹散暮霞丹 濟城南初邂逅遽闌殘幾度雨花臺  
上惆悵碧峰閒何幸官曹聯署遺我明珠無數光彩逼人  
寒不妨終日奏流水共高山

七疊水調歌頭答納涼之作

月明花徑杳人靜華門關  
身世鄧林棲鳥聊借一枝安

偶向竹牀清睡夢入華胥真境披却羽衣還鷺分庭草  
翠松露鶴頭丹坐更深銀燭冷梵鍾殘忽有赤松韓  
衆來徃白雲閒起視露交藤幄恍在藍珠宮殿游泳不  
勝寒便隨黃鵠舉突兀見三山

納涼水調歌頭八疊韻

柴門終日掩車馬任閒關頗覺性天無物塵鏡亦清安  
何用身生羽翼自有拍雲高興時入閩風還共誰凌倒  
影分取素娥丹歎人生能幾日鬢毛殘已見蟻矇千  
億飛動總成閒坐對明星華月便是水晶宮闕三伏自  
生寒擺脫煎熬地秋毫視太山

論學九疊水調歌頭荅致齋

攤書坐長日字字與身關慙愧年踰知命動息未安安  
一悟尸居龍見便覺煙銷月朗人定卽天還攻心無鴿  
毒醫世有元丹 這些兒彌萬古不凋殘爲爾退藏於  
密任騁也寬閒曾見乾坤闔闢都是化機迭運生氣發  
凝寒六極根無朕微塵括太山

論學十疊水調歌頭

心猿防自縱意馬要長關在在廣居天設千古幾人安  
不用批鱗探睡但自磨塵却垢坐見去珠還勿忘還勿  
功比是養元丹 看隋神難保合易傷殘志士寸陰首

惜長日恁虛閒慨自鐸沉洙泗又見響微濂洛門祚日  
單寒誓湏完一簞終古見高山

十一疊水調歌頭答桂洲論詩

莫將微妙境容易露機關無數眼前文字若箇解吟安  
湏是廣成胎骨妙得舞雩風致許探頷珠還運斤知郢  
斲出鼎見韓丹歎前修風已遠事應殘誰是解衣盤  
薄意得使神閒謾說澄江如練坐憶芙蓉秋水人去玉  
樓寒天空流象緯雲淨列溪山

十二疊水調歌頭和桂洲大宗伯望日攝文華殿燒香之作



九重宣召命闔闔啓天關五夜禁鍾初動銀漢澹長安  
自昔志交賢聖此日位司台斗瞻禮未能還露滋腰王  
潤袍煥燭花丹步青宮天欲曙月將殘但見王繩西  
度簾捲紫雲間俯仰

殿廷清穆彷彿雲輶下上風散九霄寒自淬精明德清  
馨會博山

十三疊水調歌頭雨霽答桂洲

公庭休案牘亭午闌雲關一雨洗清煩暑斗室也寬安  
讀罷黃庭隱几忽聽松梢水落知是鶴飛還柳眠塵不  
起酒盡臉霞丹苑墻頭蟬噪急鳥啼殘新水盆池尺

五魚弄藕花閒謾憶洞庭三伏曾共王喬娛戲風細玉  
笙寒至今饒逸興鈞箔對青山

讀渭厓社學規十四疊

面牆成黠慘誰爲一抽關空自頂天大地不解著身安  
今日嶺南設教都就民彝物則古道喜能還程氏雖逝  
矣義理炳如丹歎今人尋墜緒轉衰殘多少說高說  
妙到底是荒閒須是力行窮理漸至貫穿純熟一切掃  
炎寒中流誰砥柱岌業渭厓山

西樵閣老歸嶺南旬餘得子賦水調歌頭賀之

仍次先贈行韻

駿功收海宇鶴繡煨鄉關飛閣牙籤萬軸生事足詒安  
過雨桄榔動色嶺外充閭佳氣人在九霄還羣仙交送  
喜照眼玉拌丹望江南梅正吐臘將殘歛見蚌珠輝  
映天淨紫雲閒相府玉書天篆香閣石麟朱紱門闕豈  
應寒豫知陰德厚叢桂並燕山

次韻虞文靖公無俗念荅桂洲少保

浩蕩乾坤看總總人生誰庸誰傑任飽任饑任寒熱萬  
想一齊漚滅養杜德機守規中訣不共驚飈歇蒼天寥  
泔不妨庶類叅涉今宵風送新涼萬里無雲一片秋  
空月試駕角端凌曠濤瞬息往廻列缺孰彭孰殤孰堯

孰踦總一場空說繡幃高捲玉繩低傍

金闕

水龍吟

詠蓮次浚川大司馬韻

芙蓉開遍方塘薰風信覺湖天好愛花心性北牕藤簾  
起來偏早王母瑤池麻姑瓊海更誰窈窕枉教他游女  
臨風羞妬低首綠波偷照一段氤氲芳氣畫闌前數  
雲縈抱忽憶秦中華峰玉井攢空寒峭欲去無因步虛  
聲裏夢魂空到看鶴起層霄凌風何日一舉盡消煩惱

青玉案

憶火凌翁韻

湖光瀲灩芙蓉吐莫浪折傷絲縷美人情思牽無數鱗

鴻何處夢裏分明覩  
書懷不怕離懷苦  
怕窗前落筆  
驚風雨白髮青銅  
紛意緒孤舟誰渡  
夕陽秋樹寂寞深  
江浦

蘇軾遮

睡思次  
浚翁韻

日曛曛煙淡淡半榻花陰何處鶯兒轉  
睡思膏騰人困  
倦四壁幽沉成就平生嬾  
雨情濃雲色淺  
碎芷江籬  
好共誰游衍  
醉夢昏昏慵復辨  
待要醒時又怕人猜怨

王燭新

思歸詞年  
十九作

山城梅雨霽對剩柳殘花許多心緒  
悵家在萬里煙霄  
琴劍獨留燕冀  
空囊空聽杜宇  
只教歸去最滿  
琵琶

况離情却又時逢失意 白雲望斷天涯奈思繞椿萱  
魂纓棠棣青雲萬里想事業功名有時相濟興闌歌住  
取匣底豪曹磨礪明朝事短棹滄波翩然故地

木蘭花和荅介溪大宗伯

憶衡山昔日憐勝會並仙遊看一水涵天五峯拔地探  
遍清幽無那逸情高興明月夜松榻細麝酬堪笑鳴金  
虜王還容金鼓村謳 攸江別去獨歸休幾回頭歎十  
九年來杳然魚雁嶺樹雲悠矯首鳳池鸞閣重臨地萬  
古寄陽秋喜挹光風霽月仍追星履雲輶

再擬木蘭花荅介溪

忽雲開霏歛瀛海上列仙遊况南國巨材黔山英王早  
貫玄幽本是石渠舊吏重來此全史費叅酬共慶明良  
胥會時聞喜起賡謳簿書餘暇自休休重搔頭看獨  
鶴瓊霄孤松繡嶺高風邈悠手弄河光奎彩喬嶽上培  
塿晉春秋直擬獲麟絕筆免教孤史攀輶

浣花溪和桂洲閣老偶爾感述作

小築樓臺風月主日華天上還親覩眼底么麼何足顧  
身國柱六鰲自頂乾坤住忠賢莫訝人猜妬人情好  
付東流去不須重上明心疏看如許江湖度量能含汙  
大江東去詞和桂翁扈駕渡黃河之作

一派河流直鎖住萬壑千山雲物奔放乾坤誰抵禦說  
甚韓管彭壁勢劈龍門浪驅東海萬疊空中雪玄圭錫  
後更誰真箇豪傑 欣逢

聖主觀風中流遲日五色祥雲發宇內河山齊拱衛坐  
愛雨收塵滅元宰賡歌巨川舟楫春色回窮髮流塵萬  
古高春長共寒月

再疊

望極河流一想見古往今來風物夜雨洗將埃壒盡幾  
處倚天蒼壁畫舫浮龍牙檣趁鷁曙月光翻雪五雲深  
處濟川多少才傑 吾



皇浩蕩恩波蠲租 詔下內帑還時發日月江河元不  
住說甚東生西滅獨愧迂踈 涓埃未報攬鏡皤然髮欣  
逢 盛事一尊還對烟月

三疊

雲護飛龍歷遍了洛水嵩山景物萬里輿圖天浩蕩終  
古湯池金壁映水旂旄拂雲戈戟颯肅飛霜雪大篇長  
句侍臣濟濟英傑 馬遷意氣空豪從封無路藻思綠  
何發遠水長天俱渺渺何處孤烟沒滅北扉南省淒涼  
一片明月

四疊

張氏公曰  
河水滔滔須知道  
宇內都無長物欲  
溯源頭無覓處盤  
遶千崖萬壁處濁  
何妨俟清今見千  
古愁應雪人人具  
眼相逢誰辨真偽  
漫說流水無情吞  
天浴日總是神機  
發富貴人生尤幻  
夢眼底幾番漚滅  
一尊消受乾坤不  
盡風月

鳳樓梧

壽舅左  
菴先生

八十人間稱上壽  
流水小橋汗簡青  
檀舊此日玉堂甥  
念舅一觴遙祝同  
慈母王露晶昭聯  
曙宿碧渚芙蓉淡  
映懸弧候鶴髮萱  
闈年望九潘輿擬  
共穿花柳

疊鳳樓梧

壽舅左  
菴先生

最喜慈閣登上壽鳳閣龍樓

恩寵今非舊燕越一天甥共舅南歸欲奉西王母  
君王未放頻移宿不覺又藕花時候十夢鄉山常八九  
泄雲斜掛溪南柳

木蘭花令

次韻答桂洲閣老

山郭清薰乍收雨樓外午烟銷樹樹燕穿林莽有來時  
蝶遶庭花無覓處攬鏡沉思頻獨語千古英雄爲誰  
數朱絲欲向月中彈待得月來人又去

齊天樂

綠陰亭館涼颼轉仙署不經煩暑近水鳴絃遠峰堆翠

新被傳巖霖雨南窓睡起聽調絕清商辭高白芋池草  
萋萋興來還續夢中句 少小箬廬佔俚不自揣迂庸  
駕言報

主逾紀霜臺十年天部儘似黃鍾太呂孤忠暗許信雲  
水流行燕鴻來去半部太平付小齋論語

丹鳳吟

曉日畫堂人靜蝶粉烟滋蛛絲露閣數聲梁燕細細風  
搖繡幕碧山遙映幾行宮柳琥珀盃濃珊瑚簾薄忽報  
中朝元老佳句新傳又見鳳毛麟角 自喜官曹閒散  
拙性盡忘風浪惡見幾番世事冰霜睨鑠海霞初散堦

上河光又落試向蟻螻翻滾處把天機牢握英豪無數  
竟誰人覩著

崇明寇平桂洲閣老受勅褒獎和蒲汀大司  
徒調齊天樂為賀

相門結勝迎龍勅光照露槐春濕身際昇平才兼  
文並海外威聲盡及百靈效職會萬舞瓊花幡幢偕集  
蟒王交輝家庭拜稽恩榮極看平生經濟手不愁  
他八面交相取絳瘴洗蠻邦波恬鯨海幾見功立  
酬勞無直便數盡恒沙未籌勳級曠典殊榮歡聲動都  
邑

桂洲閣老以中秋月夜和東坡水調歌頭見示

次韻

好景當秋半明。又中天多少陰晴。圓缺萬古似今年。  
忽見嫦娥索笑。揚手湘妃下。上千里。練光寒。相如空肺。  
熱渥露滿玄間。閣燈殘。官漏永。不成眠。看到肩垂鬢。  
雪幾度。此宵圓。大化豈應猜。姮自是。窠中物理。虧處得。  
成全中襟。澄似水。盃酒挹娟娟。

妹丈魚山裘君訪予留都比歸許爲迎毫慈以  
來喜而騷減字木蘭花一曲

相逢萍水話盡。衰腸悲又喜。仔細推評。只有山林適性。

情 倩君將好如見白雲臨浦口漢水悠悠無限春風  
白雲滿洲

減字木蘭花送長兒子中省覲東歸

六街春月火樹星橋輝 鳳闕送子南還千里雲飛  
子山青年美質藹卷莫教空自積誨汝慇懃夙夜重闌  
省候勤

張文定公四友亭集卷之二十